

Na osnovu člana 3. Uredbe o postupku i načinu pripremanja i izrade i dostavljanja propisa ("Službene novine Kantona Sarajevo", broj 50/17 - Drugi novi prečišćeni tekst i broj 2/18 - Ispravka) i čl. 56. i 57. Pravila i postupaka za izradu zakona i drugih propisa Federacije Bosne i Hercegovine ("Službene novine Federacije BiH", broj 71/14), Skupština Kantona Sarajevo, na sjednici održanoj dana 27.02.2019. godine, donijela je

ODLUKU

**O VERIFIKACIJI ODLUKE O SPAJANJU JAVNIH
USTANOVA KULTURE U JAVNU USTANOVU
"BOSANSKI KULTURNI CENTAR
KANTONA SARAJEVO"
- PREČIŠĆENI TEKST -**

I

Skupština Kantona Sarajevo verifikuje Odluku o spajanju javnih ustanova kulture u Javnu ustanovu "Bosanski kulturni centar Kantona Sarajevo" - Prečišćeni tekst, koja je sastavni dio Odluke.

II

Ova odluka objavit će se u "Službenim novinama Kantona Sarajevo".

Broj 01-05-5255/19
27. februara 2019. godine
Sarajevo

Predsjedavajući
Skupštine Kantona Sarajevo
Elmedin Konaković, s. r.

Na osnovu člana 15. Odluke o izmjenama i dopunama Odluke o spajanju javnih ustanova kulture u Javnu ustanovu "Centar za kulturu Kantona Sarajevo" ("Službene novine Kantona Sarajevo", broj 44/17), Odluke o spajanju javnih ustanova kulture u Javnu ustanovu "Centar za kulturu Kantona Sarajevo" ("Službene novine Kantona Sarajevo", broj 37/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13 i 47/13, 47/15 i 48/16), Zakonodavno pravna komisija Skupštine Kantona Sarajevo, na sjednici održanoj _____ 2018. godine, utvrdila je prečišćeni tekst Odluke o spajanju javnih ustanova kulture u Javnu ustanovu "Bosanski kulturni centar Kantona Sarajevo".

Prečišćeni tekst Odluke o spajanju javnih ustanova kulture u Javnu ustanovu "Bosanski kulturni centar Kantona Sarajevo" obuhvata: Odluku o spajanju javnih ustanova kulture u Javnu ustanovu "Centar za kulturu Kantona Sarajevo" ("Službene novine Kantona Sarajevo", broj 37/14) i Odluku o izmjenama i dopunama Odluke o spajanju javnih ustanova kulture u Javnu ustanovu "Centar za kulturu Kantona Sarajevo" ("Službene novine Kantona Sarajevo", broj 44/17), u kojim je naznačen dan stupanja na snagu tih odluka.

Broj 01-05-824-3-1/19
29. januara 2019. godine
Sarajevo

Predsjednik
Zakonodavno-pravne komisije
Samir Suljević, s. r.

ODLUKA

O SPAJANJU JAVNIH USTANOVA KULTURE U
JAVNU USTANOVU "BOSANSKI KULTURNI CENTAR
KANTONA SARAJEVO"

(Prečišćeni tekst)

Član 1.

(Predmet Odluke)

Ovom Odlukom uređuje se spajanje kantonalnih javnih ustanova kulture i to:

- a) Javne ustanove "Bosanski kulturni centar Sarajevo",
- b) Javne ustanove za organizovanje kulturnih programa i međunarodnu saradnju u kulturi "Sarajevo art", u Javnu ustanovu "Bosanski kulturni centar Kantona Sarajevo".

Član 2.

(Osnivačka prava i Organizacija Javne ustanove)

- (1) Kanton Sarajevo zadržava osnivačka prava nad Javnom ustanovom "Bosanski kulturni centar Kantona Sarajevo", koja nastaje kao kantonalna javna ustanova u svojini Kantona spajanjem Javnih ustanova iz člana 1. ove Odluke.
- (2) Prava i dužnosti osnivača obavljat će Ministarstvo kulture i sporta Kantona Sarajevo (u daljem tekstu: Ministarstvo) i Vlada Kantona Sarajevo (u daljem tekstu: Vlada), svako u okviru svojih nadležnosti.
- (3) Javna ustanova iz stava (1) ovog člana se organizuje u dvije organizacione jedinice:
 - a) organizaciona jedinica "Bosanski kulturni centar" za planiranje i organizaciju programskih aktivnosti;
 - b) organizaciona jedinica "Sarajevo art" za realizaciju programskih aktivnosti.
- (4) U Javnoj ustanovi organizuje se "Služba za opšte, pravne i tehničke poslove, marketing i propagandu".

- (5) Pravilima Javne ustanove i Pravilnikom o unutrašnjoj organizaciji i sistematizaciji Javne ustanove bliže će se urediti organizacija Javne ustanove, te sistematizovati poslovi i zadaci u okviru svake od organizacionih jedinica iz stava (3) i službe iz stava (4) ove Odluke.

Član 3.

(Naziv, sjedište i pečat Javne ustanove)

- (1) Naziv Javne ustanove je "Bosanski kulturni centar Kantona Sarajevo" (u daljem tekstu: Javna ustanova). Skraćeni naziv Javne ustanove je: "JU BKC KS".
- (2) Sjedište Javne ustanove je u Sarajevu, ulica Branilaca Sarajeva broj 24.
- (3) Naziv i sjedište Javne ustanove iz st. (1) i (2) ovog člana može se promijeniti.
- (4) Odluku o promjeni naziva i sjedišta Javne ustanove donosi Skupština Kantona Sarajevo (u daljem tekstu: Skupština) na prijedlog Vlade.
- (5) Javna ustanova ima štambilj četvrtastog oblika, te mali i veliki pečat okruglog oblika, čija sadržina se uređuje Pravilima Javne ustanove u skladu sa ovom Odlukom i Zakonom o pečatima.

Član 4.

(Svojstvo pravnog lica)

- (1) Javna ustanova ima svojstvo pravnog lica.
- (2) Organizacione jedinice iz člana 2. stav (3) ove Odluke nemaju svojstvo pravnog lica, ali zadržavaju određena ovlaštenja u pravnom prometu, kao i poseban obračun rezultata poslovanja, u skladu sa zakonom, a što se bliže regulira Pravilima Javne ustanove.

Član 5.

(Korištenje prostora)

Javnoj ustanovi povjeravaju se na korištenje slijedeći poslovni prostori i to:

- a) Poslovna zgrada Bosanskog kulturnog centra, u ulici Branilaca Sarajeva broj 24;
- b) Poslovna zgrada Bosanskog kulturnog centra, u ulici Alipašina broj 19;
- c) Poslovni prostor Javne ustanove za organizovanje kulturnih programa i međunarodnu saradnju u kulturi "Sarajevo art", u ulici Čemaluša broj 1.

Član 6.

(Preuzimanje poslova, zaposlenika, opreme, arhive i sredstava za rad)

- (1) Javna ustanova preuzima sve poslove, te zaposlenike zatečene na preuzetim poslovima, opremu, arhivu, sredstva za rad i finansijska sredstva, kao i sva prava i obaveze bivših Javnih ustanova:
 - a) Javne ustanove "Bosanski kulturni centar, Sarajevo"
 - b) Javne ustanove za organizovanje kulturnih programa i međunarodnu saradnju u kulturi "Sarajevo art".
- (2) Oprema, arhiva i sredstva za rad iz stava (1) ove Odluke imovina su Kantona Sarajevo.

Član 7.

(Djelatnost)

- (1) Djelatnost Javne ustanove obuhvata:
 - 18.11 Štampanje novina,
 - 18.12 Ostalo štampanje,
 - 18.13 Usluge pripreme za štampu i objavljivanje,
 - 18.14 Knjigoveške i srodne usluge
 - 18.20 Umnožavanje snimljenih zapisa,
 - 58.11 Izdavanje knjiga,
 - 58.14 Izdavanje časopisa i periodičnih publikacija,
 - 58.19 Ostala izdavačka djelatnost,
 - 59.11 Proizvodnja filmova, video filmova i televizijskog programa,
 - 59.12 Djelatnosti koje slijede nakon proizvodnje filmova, video filmova i televizijskog programa,

- 59.13 Distribucija filmova, video filmova i televizijskog programa,
- 59.14 Djelatnosti prikazivanja filmova,
- 59.20 Djelatnost snimanja zvučnih zapisa i izdavanje muzičkih zapisa,
- 74.90 Ostale stručne, naučne i tehničke djelatnosti, d.n.,
- 79.90 Ostale rezervacijske usluge i djelatnosti u vezi s njima,
- 85.59 Ostalo obrazovanje i podučavanje,
- 90.01 Izvođačka umjetnost,
- 90.02 Pomoćne djelatnosti u izvođačkoj umjetnosti,
- 90.04 Rad umjetničkih objekata,
- 91.01 Djelatnost biblioteka i arhiva,
- 91.02 Djelatnost muzeja.

(2) Javna ustanova vrši i:

- a) pružanje usluga u vanjsko-trgovinskom prometu u oblasti registrovane djelatnosti,
- b) prezentaciju i unapređenje likovnih i primijenjenih umjetnosti i arhitekture (djelatnosti slobodnih umjetnika, kao što su slikari, kipari, grafičari, dizajneri, arhitekti).

Član 8.

(Proširenje ili promjena djelatnosti)

- (1) Javna ustanova ne može promijeniti djelatnost iz člana 7. ove Odluke, bez saglasnosti osnivača.
- (2) Djelatnost Javne ustanove iz člana 7. ove Odluke može se proširiti ili promijeniti.
- (3) Odluku o proširenju ili promjeni djelatnosti donosi Skupština na prijedlog Vlade.

Član 9.

(Pravni i drugi poslovi)

Javna ustanova ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Član 10.

(Sredstva za rad)

Izvori sredstava za rad Javne ustanove su:

- a) sredstva osnivača,
- b) od naplate ulaznica,
- c) iz naknada za obavljanje intelektualnih i drugih usluga,
- d) iz legata, poklona, donacija, zavještanja i iz drugih izvora.

Član 11.

(Saglasnost na opšte akte)

Vlada daje saglasnost na Pravila, Pravilnik o unutrašnjoj organizaciji i sistematizaciji, planove rada i razvoja i godišnji program rada Javne ustanove.

Član 12.

(Medusobna prava i obaveze)

Pitanja prava i obaveza između osnivača i Javne ustanove koja nisu regulisana ovom Odlukom, utvrdit će se ugovorom.

Član 13.

(Organ upravljanja)

- (1) Organ upravljanja u Javnoj ustanovi je Upravni odbor od pet članova.
- (2) Jedna trećina članova Upravnog odbora po pravilu imenuje se iz reda stručnih kadrova zaposlenih u Javnoj ustanovi.
- (3) Predsjednika i članove Upravnog odbora imenuje i razrješava Vlada.
- (4) U roku od 30 dana od dana donošenja ove Odluke, Vlada imenovat će vd Upravni odbor i vd Nadzorni odbor Javne ustanove.
- (5) Danom upisa ove Javne ustanove u Registar poslovnih subjekata Općinskog suda u Sarajevu (u daljem tekstu: sudski registar), Vlada imenuje novi, a razrješava raniji Upravni i Nadzorni odbor Javne ustanove "Centar za kulturu Kantona Sarajevo".

Član 14.

(Organ rukovođenja)

- (1) Organ rukovođenja u Javnoj ustanovi je direktor.
- (2) Direktora Javne ustanove imenuje Upravni odbor na osnovu konkursa koji se objavljuje u javnim glasilima, uz saglasnost Vlade.
- (3) Direktor Javne ustanove ne može biti član Upravnog odbora.
- (4) Direktor Javne ustanove ovlašten je da predstavlja i zastupa javnu ustanovu u okviru registrovane djelatnosti.
- (5) Za upis promjena u sudski registar zadužuje se direktor Javne ustanove.

Član 15.

(Organ kontrole poslovanja)

- (1) Organ kontrole poslovanja u Javnoj ustanovi je Nadzorni odbor od tri člana.
- (2) Predsjednika i članove Nadzornog odbora imenuje i razrješava Vlada.
- (3) Najmanje jedan član Nadzornog odbora imenuje se iz reda stručnih radnika zaposlenih u Javnoj ustanovi.

Član 16.

(Stručni organi)

Stručni organi u Javnoj ustanovi su Programski savjet, odnosno Umjetnički savjeti za oblasti kojima se ustanova bavi, čija prava, obaveze i odgovornosti se bliže uređuju Pravilima Javne ustanove.

Član 17.

(Slučajevi razrješenja)

- (1) Vlada razrješava predsjednike i članove Upravnog i Nadzornog odbora i prije isteka mandata na koji su imenovani u sljedećim slučajevima:
 - a) ako utvrdi da su odgovorni za neuspješan ili nezakonit rad Javne ustanove,
 - b) ako je Javna ustanova poslovala sa gubitkom dvije (2) godine uzastopno,
 - c) na njihov lični zahtjev,
 - d) ako Skupština ne usvoji godišnji izvještaj o radu i finansijskom poslovanju Javne ustanove,
 - e) ako Javna ustanova nije racionalno raspolagala sredstvima ili u drugim slučajevima utvrđenim zakonom i pravilima Javne ustanove.
- (2) Procedura usvajanja izvještaja o radu i finansijskom poslovanju Javne ustanove, posljedice mogućeg neusvajanja navedenih akata, kao i postupak i način razrješenja predsjednika i članova Upravnog i Nadzornog odbora i direktora, precizirat će se Pravilima Javne ustanove.

Član 18.

(Ostvarivanje radnih prava)

Radnici Javne ustanove ostvaruju prava u skladu sa zakonom, kolektivnim ugovorom, pravilima i drugim općim aktima Javne ustanove.

Član 19.

(Finansijsko poslovanje)

Finansijsko poslovanje Javne ustanove vrši se u skladu sa propisima koji regulišu trezorsko poslovanje.

Član 20.

(Rok za donošenje općih akata)

Upravni odbor Javne ustanove donijet će pravila, akt o unutrašnjoj organizaciji i druga akta u roku od 60 dana od dana njegovog imenovanja.

Član 21.

(Izvještaj o radu i poslovanju)

- (1) Upravni, odnosno Nadzorni odbor obavezan je da Ministarstvu redovno dostavlja zapisnike sa održanih sjednica Upravnog, odnosno Nadzornog odbora, a izvještaj o radu godišnje.

- (2) Godišnji izvještaj o radu sadrži: izvještaj o izvršenju godišnjeg programa rada, izvještaj o radu direktora, izvještaj o radu Upravnog odbora, izvještaj o radu Nadzornog odbora, izvještaj o radu programskog, odnosno umjetničkog savjeta, izvještaj o finansijskom poslovanju Javne ustanove.

Član 22.

(Nadzor nad zakonitosti rada)

Nadzor nad zakonitosti rada Javne ustanove vrši Ministarstvo.

Član 23.

(Prijava u sudski registar)

- (1) Ovlašćuje se Predsjedavajuća Skupštine da u ime Osnivača potpiše osnivački akt i sve isprave potrebne za osnivanje javne ustanove, kao i sve isprave za koje je u skladu sa važećim zakonskim propisima neophodna notarska obrada.
- (2) Javna ustanova "Bosanski kulturni centar Kantona Sarajevo", obavezna je da u roku od 30 dana od dana stupanja na snagu ove Odluke podnese prijavu radi upisa Javne ustanove u sudski registar.
- (3) Lice zatečeno na dužnosti direktora Javne ustanove "Centar za kulturu Kantona Sarajevo", a teče mu mandat, nastavlja rukovoditi Javnom ustanovom "Bosanski kulturni centar Kantona Sarajevo".

Član 24.

(Potpuna i supsidijarna odgovornost)

- (1) Za svoje obaveze Javna ustanova odgovara svom svojom imovinom - potpuna odgovornost.
- (2) Osnivač Javne ustanove supsidijarno je odgovoran za obaveze Javne ustanove.

Član 25.

(Početak rada Javne ustanove)

Javna ustanova stiče svojstvo pravnog lica i počinje sa radom danom upisa u sudski registar.

Član 26.

(Stupanje na snagu ove Odluke)

- (1) Odluka o spajanju javnih ustanova kulture u Javnu ustanovu "Centar za kulturu Kantona Sarajevo" stupila je na snagu danom objavljivanja u "Službenim novinama Kantona Sarajevo", broj 37/14.
- (2) Odluka o izmjenama i dopunama Odluke o spajanju javnih ustanova kulture u Javnu ustanovu "Centar za kulturu Kantona Sarajevo" stupila je na snagu osmog dana od dana objavljivanja u "Službenim novinama Kantona Sarajevo", broj 44/17.